

Enski boltinn

FÖSTUDAGUR 10. ÁGÚST 2018





Aron Einar Gunnarsson í leik með Cardiff fyrr í sumar. NORDICPHOTOS/GETTY

Barátta við að forðast fallið

Aron Einar Gunnarsson endurnýjar kynni sín við ensku úrvalsdeildina með liði sínu, Cardiff City, en félagið tryggði sér sæti í deildinni í vor eftir fjögurra ára veru í B-deildinni. Aron Einar var í nokkuð stóru hlutverki síðast þegar liðið var í deild þeirra bestu, en hann spilaði þá 23 leiki og skoraði eitt mark í þeim leikjum.

Aron Einar spilaði með íslenska landsliðinu á heimsmeistaratótinu í Rússlandi í sumar, án þess að hafa jafnað sig að fullu eftir aðgerð sem hann fór í vegna ókklameiðsla sinna. Því er líklegt að hann verði vafinn inn í bómmull í fyrstu leikjum liðsins og hlutverk hans í liðinu muni svo verða stærra þegar hausta fer.

Hann fékk samkeppni um stöðu sína inni á miðsvæðinu þegar spænski miðvallarleikmaðurinn Victor Camarasa kom til liðsins frá Real Betis og Harry Arter frá Bournemouth, en annars hefur Neil Warnock leitað til fyrrverandi keppinauta sinna í B-deildinni í leit sinni að styrkingu á leikmannahópnum.

Búast má við því að Aron Einar og liðsfélagar hans muni berjast í bókum deildarinnar og markmiðið verði að verða nær miðjunninn en fallsvæðinu. Liðið er með reyndan knattspyrnustjóra sem þekkir deildina vel og þá kúnst að sleppa við falldrauginn. Stundum hefur það tekist og stundum ekki og vonum við að það heppnist að þessu sinni.

Taka Gylfi Þór og Everton framförum undir stjórn Silva?

Everton skipti um knattspyrnustjóra og styrkti sig með færri en sterkari leikmönnum en í fyrra. Silva hefur unnið gott starf með öðrum liðum en tekst honum að koma Everton í baráttuna um efstu sex sætin?

Gylfi Þór Sigurðsson er að hefja sitt sjöunda heila tímabil í ensku úrvalsdeildinni á morgun þegar Everton mætir nýliðum Úlfanna í erfiðum útileik strax í fyrstu umferð. Er hann að hefja annað ár sitt í herbúðum Everton eftir að hafa áður leikið með liðum Swansea og Tottenham. Mun Gylfi eflaust hagnast á því að hafa náð að fá undirbúningstímabilið með liðsfélögum sínum til að komast betur í takt í stað þess að koma inn þegar tímabilið er að hefjast.

Það er ferskur blær yfir Goodison Park þessa dagana eftir að Marco Silva tók við liðinu á dögum og er honum ætlað að brjóta Everton leið inn í hóp sex efstu liðanna. Stúðningsmenn Everton voru fegnir að sjá eftir Sam Allardyce á vordögum og fengu inn stjóra sem félagið var að elstast við en fékk ekki að semja við síðasta haust.

Hefur Silva sótt tvo brasilíska kantmenn í sumar, Bernard og Richarlison ásamt þríeyki frá Barcelona: Yerry Mina, André Gomes og Lucas Digne, og ætti það að henta Gylfa vel. Með Bernard, Richarlison og Digne ætti að koma meiri breidd í spilamennskuna og liðið, sem ekki var til staðar í fyrra þegar Gylfa var oft ýtt út á kantinn til að koma fyrir leikmönnum eins og Wayne Rooney. Þá lék hann ýmist sem kantmaður, miðjumaður eða fékk að spreyta sig sem framherji undir stjórn Allardyce.

Sagan ætti ekki að endurtaka sig undir stjórn Silva sem vill spila 4-3-3 leikkerfi og gæti Gylfi þar fengið stórt hlutverk sem annar miðjumannanna sem hafa frelsi til að sækja. Þá reidir lið Silva sig mikið á fljóta kantmenn sem geta sprengt upp leikinn og eru fáir betri í deildinni en Íslendingurinn í að finna plássid fyrir aftan bakverðina sem fljótir kantmenn geta leitað í.

Sjálfur sagði Gylfi í samtali við staðarblaðið í Liverpool vera feginn að fá að spila sína stöðu inni á vellinum, á miðri miðjunni, eins og hann hefur gert með göðum



Gylfi Þór Sigurðsson fagnar marki sem hann lagði upp fyrir Michael Keane í vináttuleik Everton á undirbúningstímabilinu í sumar. NORDICPHOTOS/GETTY

„Þjálfarinn vill hafa mig á miðjunni sem er jákvætt, það eru komnir mjög fljótir kantmenn sem teygja vel á vellinum og vonandi fæ ég að spila á miðjunni.“

árangri fyrir íslenska landsliðið undanfarin ár.

„Þjálfarinn vill hafa mig á miðjunni sem er jákvætt, það eru komnir mjög fljótir kantmenn sem teygja á vellinum og vonandi fæ ég að spila á miðjunni og hlutverk mitt verði að finna þá í svæðinu fyrir aftan varnir andstæðinganna. Ég lærði margt af tímabilinu í fyrra, sérstaklega við að spila sem sóknarmaður en það var erfið.“ sagði Gylfi og hélt áfram:

„Það var engin óskastaða og ég var færður meira til en ég bjóst við


en ég var tilbúinn að gera hvað sem var fyrir liðið.“

Þegar Rooney er farinn frá félaginu er ljóst að Gylfi verður spyrnusérfræðingur liðsins og ætti það að hjálpa honum að skila betri tölfræði, bæði í markaskorun og stöðsendingum. Pressan sem dýrasti leikmaðurinn í sögu félagsins, ætti að minnka með kaupnum á Richarlison sem kostaði svipaða upphæð og Gylfi.

Draumatímabil hjá Gylfa og Everton væri að allt myndi smella strax undir stjórn Silva og að þeir myndu gera atögu að sæti í Meistaradeild Evrópu á næsta ári. Gylfi væri í lykkihlutverkinu sem hann fær hjá íslenska landsliðinu og þrífst á með landsliðinu. Það verður krefjandi og erfið fyrir Everton sem hefur aðeins einu sinni á síðustu þrjátíu árum endað meðal fjögurra efstu en kannski er komið að Gylfa að taka liðið á herðar sér og bera það upp á næsta stig, rétt eins og hann hefur gert með landsliðinu.

Morgundagurinn verður betri með After Party

Náttúruleg lausn við timbarmönnum



Aminósýrur, Rósepli, Cactus extract, öflug blanda af B-vítamínum og Magnesium.

Virkar vel gegn þynnkun

2 töflur fyrir fyrsta drykk
2 töflur fyrir svefn

Fæst í apótekum og heilsuhillum verslana

www.artasan.is



KVEIKTU Á ENSKA BOLTANUM

Kveiktu á þínu liði þann 10. ágúst um leið og flautað er til leiks.

Horfðu heima í stofu, á ferðinni, í beinni eða þegar þér hentar.

Stöð 2 Sport er íþróttastöð á heimsmælikvarða. Yfir 1.300 beinar útsendingar á ári frá vinsælustu íþróttaviðurðum heims nú á lægra verði.

9.990 kr. á mánuði

Tryggðu
þér áskrift
á stod2.is

Jóhann Berg og félagar í Evrópuævintýri

Jóhann Berg Guðmundsson hefur farið vaxandi með hverjum leik sem hann hefur spilað fyrir Burnley. Hann sprakk út á síðustu leiktíð og var iðinn við að leggja upp mörk fyrir liðsfélaga sína.

Jóhann Berg Guðmundsson er að hefja sitt þriðja keppnistímabil með Burnley, en hann átti mun betra tímabil í fyrra heldur en árið þar áður. Að sama skapi var árangur liðsins mun betri. Liðið tryggði sér sæti í Evrópuævildinni og er komið í þriðju umferð forkeppinnar þar sem það mætir tyrkneska liðinu Istanbul Basaksehir.

Þetta er í fyrsta skipti síðan árið 1967 sem Burnley tekur þátt í Evrópukeppni og í þriðja skipti í sögu félagsins sem liðið kemst í einhverja af Evrópukeppnum. Jóhann á sjálfur góðar minningar úr Evrópuævildinni en fyrsti leikur hans fyrir hollenska liðið AZ Alkmaar, sem var fyrsta erlenda liðið sem hann spilaði með, var í þeirri keppni. Hann setti strax mark sitt á liðið og skoraði í frumraun sinni fyrir liðið í leik gegn sænska liðinu Gautaborg.

Jóhann Berg glímdi við meislisdrjúgan hluta af fyrstu leiktíð sinni með Burnley í ensku úrvalsdeildinni, en hann lék 20 leiki og skoraði eitt mark og lagði upp tvö. Hann var hins vegar svo til meislalaus á síðustu leiktíð, spilaði 35 deildarleiki og skoraði í þeim leikjum tvö mörk. Hans helsta framlag var aftur á móti



Jóhann Berg kom með beinum hætti að tíu mörkum á síðasta tímabili. NORDICPHOTOS/GETTY

» Burnley fékk aðeins 39 mörk á sig í fyrra, tólf mörkum minna en Arsenal sem lenti í sætinu fyrir ofan.

Samkeppnin hvað kantstöðuna varðar hefur því ekkert breyst og líklegt að Jóhann verði áfram í lykthlutverki hjá liðinu; leiki á hægrri vængnum og haldi vonandi áfram að mata samherja sína á frábærum fyrirgjöfum. Burnley leikur þéttan varnarleik og treystir á skyndisökknir og föst leikatriði. Jóhann hefur bætt sig umtalsvert í varnarlinunni og tékkneski framherjinn Matej Vydra, sem gekk til liðs við félagið frá Derby County, á að auka möguleikana í sókninni.

stoðsendingar hans sem voru átta talsins þegar upp var staðið.

Hann var í mun stærra hlutverki hjá liðinu síðasta vetur, en spiltími hans jókst um það bil þrefalt og hann virtist vera með fyrstu mönnum á leikskýrsluna hjá Sean Dyche, knattspyrnustjóra liðsins.

Jóhann hefur ekki þurft að sitja sveittur við það að kynna nýjum liðsfélögum eftir að hann kom til móts við liðið á nýjan leik eftir þátttöku sína með íslenska liðinu á heimsmeistaramóti í Rússlandi í sumar. Joe Hart var keyptur frá Manchester City til þess að leysa

meislavandræði markvarðsveitar liðsins, enski varnarmaðurinn Ben Gibson, sem kom frá Middlesbrough, á að auka breiddina í varnarlinunni og tékkneski framherjinn Matej Vydra, sem gekk til liðs við félagið frá Derby County, á að auka möguleikana í sókninni.

Myndgæðin skipta höfuðmáli

Sindri Snær Thorlacius, vörustjóri hjá ELKO, segir góð myndgæði nauðsynleg þegar horft er á íþróttir í sjónvarpi. ELKO bjóði upp á það sem þarf til að upplifunin verði sem best. Útsala í gangi.

Að sjálfsgöðu þarf rétta sjónvarpið fyrir enska boltann. Þeir sem gera kröftur og horfa mikið á íþróttir í sjónvarpi sjá mikinn mun á myndgæðum milli tækja. Þessi munur er vissulega til staðar, sérstaklega þegar kemur að hreyfingum og litum. Það eru myndgæðin sem fólk er að borga fyrir í finni tækjunum," segir Sindri Thorlacius, vörustjóri hjá ELKO.

Upplifunin við áhorf verði margfalt betri með dýpri litum og mýkri hreyfingum og það viti kröfuharðir áhorfendur íþróttavíburða. Það sé engin tilviljun að stærstu sjónvarpsframleiðendurnir fái frægustu fótboltamenn heims til liðs við sig en Zlatan Ibrahimovic er andlit Samsung, Steven Gerrard og Adam Lallana fyrir LG og Neymar birtist í öllu kynningarefni TCL.

Sérstök fótboltastilling

„Flottustu tækin frá þessum stærstu framleiðendum einblína á íþróttirnar í dag og þá sérstaklega á fótboltann," segir Sindri. „Til að mynda eru mörg sjónvörp frá Samsung, LG og TCL komin með sérstaka fótboltastillingu. Allar hreyfingar á skjánum eru mýkri og minni líkur á að áhorfandinn tyni boltanum í lengri sendingum, en stundum er eins og boltinn hverfi augnablik úr mynd í eldri og ófullkomnari sjónvörpum, sem dregur úr ánægjunni. Gæðin verða alltaf



Sindri Thorlacius vörustjóri hvetur fólk til að kíkja við í verslunum ELKO og kynna sér úrvalið. MYND:ÞÓRSTEINN

betri og betri og í dag eru heilt yfir mjög góðar tölur í sjónvörpum sem sjá um að vinna myndina á skjánni.

LG framleiðir sjónvörp sem kallast OLED og Samsung sjónvörp sem heita QLED. Þetta eru flaggskipin í dag frá þessum stærstu framleiðendum og við bjóðum að sjálfsgöðu upp á þau, auk margra annarra tegunda og merkja," segir Sindri.

„Öllum sjónvörpunum er stillt upp í verslunum ELKO og ég hvet fólk til þess að koma og sjá myndgæðin með eigin augum og bera saman. Hér er útsala í gangi og nóg af góðum tækjum á góðum pris," segir Sindri.

Nálægt hundrað sjónvörp séu til á lager og ekkert því til fyrirstöðu að ná að tengja nýtt sjónvarp heima áður en fyrsti leikurinn fer fram í enska boltanum í kvöld.

„Við erum með öll helstu vörumerkin á lager og hægt að kaupa beint af vefverslun okkar og sækja strax, ef fólk veit nákvæmlega hvað það vill. Ég mæli líka með því að kíkja til okkar í verslanir, sjá myndgæðin og fá faglegar ráðleggingar. Við erum með vel þjálfað fólk akkúrat í þessum málum. Mörg okkar hér í ELKO horfa mikið á íþróttir í sjónvarpi og vita því nákvæmlega hverju fólk er að leita eftir," segir Sindri.

Sjá nánar á www.elko.is

KFC®

ALLA LAUGARDAGA



HEITT

25 Hot Wings

2.999 kr.

HEITARA

50 Hot Wings

4.999 kr.

HEITAST

100 Hot Wings

8.999 kr.

Taktmælinn sem Sarri tók með sér frá Napoli

Jorginho
26 ÁRA
MIÐJUMÁÐUR

Ítali
Landsleikir/mörk: 8/0
Keyptur á 50,4 milljónir punda frá Napoli

Jorginho var fyrsti leikmaðurinn sem Maurizio Sarri keypti sem knattspyrnustjóri Chelsea. Manchester City hafði áhuga á Jorginho en það kom litíð á óvart að hann skyldi enda hjá Chelsea enda þjálfaði Sarri hann hjá Napoli.

Hinn 26 ára gamli Jorginho var lykilmaður í stórskemmtilegu liði Napoli undir stjórn Sarri. Hann er leikstjórnandi í anda Andreas Pirlo, leikur fyrir framan vörminna og er nokkurs konar taktmælinn í

spilinu. Á síðasta tímabili gaf hann að meðaltali 96,9 sendingar í leik sem var það langmesta í ítölsku úrvalsdeildinni. Næstum því 90% sendinga hans rótuðu á samherja.

Sarri hefur breytt leikstíl Chelsea og Jorginho er lykilmaður í því breytingaferli. Miðað við frammistöðu hans í leiknum gegn City um Samfélagsskjöldinn þarf hann þó tíma til að aðlagast enska boltanum. Þar fær hann ekki sama tíma með boltann og hann fékk á Ítalíu. Jorginho er ekki mikill varnarmaður en ætti að njóta góðs af því að spila með hinum sívinnandi N'Golo Kanté.

Jorginho er fæddur í Brasilíu en fluttist til Ítalíu þegar hann var 15 ára. Hann er ítalskur ríkisborgari og hefur leikið átta leiki fyrir ítalska landsliðið. Jorginho hóf ferilinn hjá Verona en gekk í raðir Napoli 2014.



Jorginho verður mikilvægur hlekkur í liði Chelsea í vetur. NORDICPHOTOS/GETTY

Enn eitt vopnið í vopnabúri meistaranna

Riyad Mahrez
27 ÁRA
KANTMAÐUR

Alsíringur
Landsleikir/mörk: 39/8
Keyptur á 60 milljónir punda frá Leicester

Eftir nokkrar árangurslausar tilraunir til að komast frá Leicester City varð Riyad Mahrez loks að ósk sinni þegar Manchester City keypti hann fyrir metverð í sumar.

Mahrez gerði gott mót hjá Leicester. Hann var valinn leikmaður ársins þegar Refirmir urðu óvænt Englandsmestarar tímabilið 2015-16. Þá skoraði Mahrez 17 mörk í ensku úrvalsdeildinni og gaf 11 stoðsendingar. Tímabilið 2016-17 var ekkert sérstakt hjá Alsíringnum en hann var öflugur síðasta vetur. Hann skoraði þá 12 mörk og lagði 10 upp til viðbótar.

City hafði mikla yfirburði í ensku úrvalsdeildinni á síðasta tímabili og sló fjölmörg met á leið sinni að Englandsmestarartitlinum. City skoraði m.a. 106 mörk. Söknaarleikurinn var því í góðu lagi og hann veiktst ekk-



Riyad Mahrez lyftir Samfélagsskjöldinum eftir sigur Manchester City á Chelsea á sunnudaginn. NORDICPHOTOS/GETTY

Siðustu þrjú tímabil hefur Mahrez skorað 35 mörk og gefið 24 stoðsendingar í ensku úrvalsdeildinni.

ert við komu hins 27 ára Mahrez. Pep Guardiola, knattspyrnustjóri City, hefur úr mörgum góðum leikmönnum að velja og Mahrez þarf að berjast fyrir mínútnum sínum hjá Manchester-liðinu. Það er annar veruleiki en hjá Leicester þar sem hann var aðalmaðurinn.

Mahrez liður best á hægri kantinum þar sem hann getur komið inn á völlinn og sveiflað sínum frábæra vinstri fæti. Alsíringurinn er gríðarlega leikinn og erfiður viðureignar þegar hann er í stuði. Hann gæti náð nýjum hæðum undir stjórn Guardiola.

Er týndi hlekkurinn loksins fundinn?

Lucas Torreira
22 ÁRA
MIÐJUMÁÐUR

Úrúgvæi
Landsleikir/mörk: 8/0
Keyptur á 26,5 milljónir punda frá Sampdoria

Stuðningsmenn Arsenal vonast til að Lucas Torreira sé varnarsinnaði miðjumaðurinn sem félagið hefur leitað að án árangurs í rúman áratug. Margir hafa reynt sig í þessari stöðu en enginn verið nógu sannfærandi.

Hinn smávaxni Torreira var keyptur fyrir 26,5 milljónir frá Sampdoria þar sem hann vakti mikla athygli fyrir góða frammistöðu, sérstaklega á síðasta tímabili.

Í vikunni var greint frá því að Luis Suárez, samherji Torreira í úrúgvæska landsliðinu, hefði hvatt hann til að ganga til liðs við Arsenal. Torreira lék sinn fyrsta landsleik í mars og kom við sögu í öllum fimm leikjum Úrúgvæ á HM í Rússlandi.

Hinn 22 ára gamli Torreira er óþreytandi og grimmur miðju-

Torreira er fyrsti Úrúgvæinn sem leikur með Arsenal.

maður sem er duglegur að vinna boltann. Þrátt fyrir að vera helst þekktur fyrir góðan varnarleik er Torreira með finar sendingar og skilar boltanum ágætlega frá sér.

Torreira er dýrasti leikmaðurinn sem Arsenal keypti í sumar og hann verður í stóru hlutverki hjá Skyttunum á tímabilinu. Arsenal stendur á tímamótum enda með nýjan mann í brúnni í fyrsta sinn í 22 ár. Unai Emery, nýr knattspyrnustjóri Arsenal, vill að bakverðirnir taki virkan þátt í söknarleiknum og því mæðir mikið á Torreira að loka þeim svæðum sem þeir skilja eftir sig þegar þeir fara fram á völlinn.



Lucas Torreira er ætlað að styrkja varnarleik Arsenal sem var slakur á síðasta tímabili. NORDICPHOTOS/GETTY

Brasilísk innreið á Goodison Park

Brasilíski vængmaðurinn Richarlison endurnýjar samstarf sitt við Marco Silva sem tók við sem knattspyrnustjóri hjá Everton síðasta vor, en þeir unnu saman með finum árangri hjá Watford á síðustu leiktíð. Hann er snöggur og flinkur kantmaður, en Everton skorti tilfinnanlega hraða í sóknarleik sinn á síðasta keppnis-tímabili og Richarlison á að leysa þann vanda. Hann var fyrstu kaup Silva og Marcel Brands sem ráðinn var sem yfirmaður knattspyrnu-mála í sumar.

Richarlison kostaði um það bil 40 milljónir punda og er næst dýrasti leikmaður í sögu félagsins á eftir Gylfa Þór Sigurðssyni. Það er því pressa á Brasiliumanninum að hann standi sig.

Hann lék alla 38 deildarleiki Watford á sínu fyrsta tímabili með liðinu og skoraði í þeim leikjum fimm mörk. Everton er því ekki að fjárfesta í markaskorara af göðum náð, en hann getur ógnað með hraða sínum og knattspyrnu og skapað fyrir samherja sína í opnu spili. Samlandi hans, Bernard,

» Everton keypti tvo brasilíska framherja í sumar sem eiga að hressa upp á sóknarleik liðsins. Richarlison er á sínu öðru tímabili í Englandi, en þetta verður frumraun Bernard.

sem er örvættur vængmaður með snæru og kraft, gekk svo til liðs við Everton frá úkraínska liðinu Shakhtar Donetsk á lokadegi félagskiptagluggans síðdegis í gær.

Það er því líklegt að Everton leiki með tvo brasilíska sóknartengiliði sinn hvorum megin við Gylfa Þór sem verður í hlutverki sóknarsinnaðs miðjumanns. Sóknarlína Everton er þar af leiðandi örvin mun kvikari og tæknilega betri en sú sem liðið hafði á að skipa síðasta vetur. Hinn fótfrái Theo Walcott þarf því að hafa meira fyrir því að komast í byrjunarliðið en undir stjórn Sams Allardyce.



Richarlison sem kom til Everton frá Watford í sumar með boltann í leik með liðinu gegn Valencia. NORDICPHOTOS/GETTY

Miklar væntingar gerðar til Brassans

Alisson
25 ÁRA
MARKVÖRÐUR

Brasiliumaður
Landsleikir: 31
Keyptur á 65 milljónir punda frá Roma

Eftir ófáir Loris Karius í úrslitaleik Meistaradeildar Evrópu síðasta vor var ljóst að Jürgen Klopp þyrfti að fá nýjan mann milli stanganna hjá Liverpool.

Um miðjan júlí staðfesti Liverpool að félagið hefði fest kaup á brasilíska landsliðsmarkverðinum Alisson frá Roma. Hann var dýrasti markvörður heims í nokkrar vikur, eða þar til Chelsea keypti Kepa Arrizabalaga frá Athletic Bilbao.

Alisson hóf ferilinn með Internacional í heimalandinu en gekk í raðir Roma 2016. Hann var varamaður fyrir Wojciech Szczesny á sínu fyrsta tímabili í borginni

eilífu. Á síðasta tímabili fékk Alisson tækifæri eftir að Szczesny var seldur til Juventus og sló í gegn. Roma fékk aðeins 28 mörk á sig í ítölsku úrvalsdeildinni, næstfæst allra liða, og Alisson hélt marki sínu 17 sinnum hreinu. Þá hélt hann fimm sinnum hreinu á leið Roma í undanúrslit Meistaradeildar Evrópu.

Alisson, sem hefur verið aðalmarkvörður brasilíska landsliðsins undanfarin ár, er góður maður gegn manni, gríðarlega öruggur með boltann og kemur honum vel frá sér. Og hann er ekki mistækur eins og þeir Simon Mignolet og Karius sem hafa staðið í rammnum hjá Liverpool síðustu ár.

Markvarðarstaðan hefur verið til vandræða hjá Rauða hernum undanfarin ár en stuðningsmenn Liverpool vonast til að það heyrir sögunni til. Og þeir vonast að sjálf söguðu til þess að kaupun á Alisson heppnist jafn vel og síðast þegar Liverpool keypti leikmann frá Roma (Mohamed Salah).



Liverpool hefur leitað lengi að traustum markverði. Stuðningsmenn liðsins vonast til að Alisson sé sá maður. NORDICPHOTOS/GETTY

Maðurinn sem á að fódra Pogba og féлага

Fred
25 ÁRA
MIÐJUMAÐUR

Brasiliumaður
Landsleikir/mörk: 8/0
Keyptur á 43,7 milljónir punda frá Shakhtar Donetsk

Federico Rodrigues de Paula Santos, eða Fred, lék í fimm ár með Shakhtar Donetsk, varð þrisvar sinnum Úkraínumeistari með liðinu og lék fjölmarga leiki með því í Meistaradeild Evrópu. Í sumar keypti Manchester United brasilíska miðjumanninn svo fyrir 43,7 milljónir punda. José Mourinho, knattspyrnustjóri liðsins, var ekki sáttur með gang mála á félagaskiptamarkaðnum í sumar en landaði þó hinum 25 ára gamla Fred.

Stuðningsmenn United vonast til að Fred reynist félaginu jafn vel og annar brasilískur miðjumaður, Fernandinho, hefur reynst



Frammistaða Freds með Manchester United á undirbúningstímabilinu hefur lofað góðu. NORDICPHOTOS/GETTY

» Fred skrifaði undir fimm ára samning við United með möguleika á eins árs fram-lengingum.

Manchester City eftir að hann var keyptur frá Shakhtar fyrir nokkrum árum. Fred hefur leikið átta landsleiki fyrir Brasilíu og var í brasilíska hópnum á HM í Rússlandi í sumar.

Fred er vel spilandi alhlíða miðjumaður sem er með góðar sendingar. Hans hlutverk hjá United verður að halda takti í spilinu og koma boltanum á leikmenn á borð við Paul Pogba, Alexis Sánchez og Romelu Lukaku í hættulegum stöðum.

Fred getur líka unnið boltann en gengur stundum full hart fram. Á síðasta tímabili fékk hann 11 gul spjöld og eitt rautt í 26 leikjum í úkraínsku úrvalsdeildinni.



Englandsmeistarar Manchester City unnu öruggan sigur á Chelsea, 2-0, í leiknum um Samfélagskjöldinn um síðustu helgi. NORDICPHOTOS/GETTY

Pungskýjað á Old Trafford

José Mourinho, knattspyrnu-
stjóri Manchester United,
hefur ekki verið upplifður í
sumar. Harmakveinin byrjuðu
strax á fyrsta blaðamannafundi
undirbúningstímabilsins og hafa
ekki stöðvast síðan þá.

Portúgalski stjórinn er ósáttur
við hversu illa United gekk á félagas-
skiptamarkaðnum í sumar og að
hafa ekki fengið leikmennina sem
hann vildi fá.

United endaði í 2. sæti ensku
úrvalsdeildarinnar á síðasta tima-
bili, 19 stigum á eftir Englands-
meisturum Manchester City. Það
er erfitt að sjá United minnka bilið
á City í vetur og vera í alvöru titil-
baráttu í fyrsta sinn síðan Sir Alex
Ferguson hætti 2013.

Þótt United standi ljósbláum
grönnum sínum enn langt að
baki er liðið langt frá því að vera
slakt. Einn besti markvörður
heims, David De Gea, stendur á
milli stanganna. Alexis Sánchez er
búinn að vera mjög friskur á undir-
búningstímabilinu og Romelu
Lukaku og Paul Pogba mæta fullir
sjálfstrausts til leiks eftir að hafa
spilað vel á heimsmeistaramótinu
í Rússlandi.

Stærsta verkefni Mourinhos
verður að fá enn meira út úr sínum



Margir spá því að José Mourinho, hinn portúgalski stjóri Manchester United, verði horfinn á braut áður en tímabilið er á enda. NORDICPHOTOS/GETTY

Stefna á fyrstu titilvörnina

Manchester City vann
ensku úrvalsdeildina með
miklum yfirburðum á síð-
asta tímabili og sló fjölmörg met í
leiðinni. City fékk flest stig í sögu
ensku úrvalsdeildarinnar (100),
vann flesta leiki (32), flesta útileiki
(16), flesta leiki í röð (18), var með
besta markamismuninn (+79) og
skoraði flest mörk (106). City fékk
19 stigum meira en Manchester
United en aldrei hefur munað jafn
mörgum stigum á Englandsmeist-
urum og liðinu í 2. sæti.

City hefur fimm sinnum orðið
Englandsmeistari í sögu félagsins
en aldrei náð að verja titilinn. Það
verkefni biður Peps Guardiola, hins
metnaðarfulla spænska knatt-
spyrnustjóra City. Þótt félagið hafi
haft hægt um sig á félagaskipta-
markaðnum í sumar er ólíklegt að
City gefi mikið eftir. Liðið virðist
enn það sterkasta í ensku úrvals-

» Fjórir leikmenn
Man. City lögðu upp
tíu mörk eða fleiri í fyrra:
Kevin De Bruyne, Leroy
Sané, David Silva og
Raheem Sterling.

deildinni og það verður erfitt að
velta City af stalli sínum.

Þótt frammistaða City í ensku
úrvalsdeildinni í fyrra hafi verið
nánast fullkomin olli liðið von-
brigðum þegar það féll úr leik
fyrir Liverpool í 8-liða úrslitum
Meistaradeildar Evrópu. Síðan
Sheikh Mansour keypti City fyrir
10 árum hefur liðið aldrei komist
lengra en í undanúrslit Meistara-
deildarinnar. Því þarf Guardiola að
breyta í vetur.

Umbylting hjá Chelsea

Fyrrirsjáanlegustu stjórskipti
sumarsins urðu hjá Chelsea.
Eftir tvö tímabil við stjórnvöl-
inn, og tvo stóra titla, var Ítalan
Antonio Conte rekinn. Við starfinu
tók landi hans, Maurizio Sarri,
sem var nálægt því að gera
Napoli að ítölskum meist-
urum á síðasta tímabili.

Sarri aðhyllist allt annan
leikstíl en Conte og hefur
breytt miklu hjá Chelsea.
Sarri leggur áherslu á að lið
sin haldi boltanum og
pressi andstaðinginn fram-
farlega á vellinum.
Sarri tók ítalska



leikstjórnandann Jorginho með
sér frá Napoli og fékk svo króatíska
miðjumanninn Mateo Kovacic
frá Real Madrid. Þá urðu mark-
varðaskipti hjá Chelsea. Thibaut
Courtois fékk draum sinn um að
fara til Real Madrid uppfylltan en
í staðinn keypti Chelsea Kepa
Arrizabalaga frá Athletic Bilbao
og gerði Spánverjann að dýrasta
markverði allra tíma.

Það verður að koma í ljós
hversu lengi Sarri verður að
innleiða sína hugmynda-
fræði hjá Chelsea. Hann
verður þó að hafa hraðar
hendur því þolinmæði
stjórnarmanna Chelsea
er ekki alltaf mikil.

Ferskir vindar á Emirates

Það urðu kaflaskil hjá Arsenal
þegar fransk knattspyrnu-
stjórinn Arsene Wenger sleppti
takinu á liðinu eftir rúmlega tveggja
áratuga skeið sem stjóri hjá félaginu
og Spánverjinn Unay Emery tók
við stjórnartumunum. Emery var
síðast við stjórnvölinn hjá franska
risanum PSG og sinnti því starfi með
ágætum.

Emery fékk þýska markvörðinn
Bernd Leno til þess að berjast við
Petr Cech um markmannsstöðuna.
Grikkinn Sokratis Papastathopoulos
bættist í miðvarðasveit liðsins og
hinn svissneski Stephan Licht-
steiner bættist flóruma í bak-
varðarstöðunni hægra megin. Lucas
Torreira, sem lék vel fyrir Úrúgvæ á
heimsmeistaramótinu í Rússlandi
í sumar, á að svara kalli stuðnings-
manna sem hafa kallað eftir því
undanfarin ár að fenginn væri til
liðsins öflugur djúpur miðjumaður.
Franski U-21 árs landsliðsmaðurinn
Mattéo Guendouzi mun svo berjast
við miðjumenn liðsins um sæti í
liðinu.

Arsenal tókst ekki að tryggja sér
sæti í Meistaradeild Evrópu síðast-
liðið vor, en liðið hefur leikið í Evr-



Unai Emery sem tók við sem knattspyrnustjóri Arsenal í sumar stýrir hér leikmönnum sínum á æfingu liðsins í sumar. NORDICPHOTOS/GETTY

ópuðeildinni síðustu tvö tímabil
eftir að hafa leikið í Meistaradeild
Evrópu í 17 leiktíðir þar á undan.
Verkefni Emery er að tryggja stuð-
ningsmönnum Arsenal Meistara-
deildarboltana á nýjan leik. Raun-
hæft markmið er að komast aftur
í eitt af efstu fjórum sætum, en
hæpdi er fyrir stuðningsmenn
liðsins að fara fram á að liðið
berjist um enska meistaratitilinn á

komandi keppnistímabili. Pierre-
Emerick Aubameyang kom inn í
ensku úrvalsdeildina með látum
um síðustu áramót þegar hann
gekk til liðs við Arsenal frá Borussia
Dortmund. Hann skoraði tíu mörk
í þeim þrettán leikjum sem hann
lék fyrir liðið eftir að hann kom
þangað. Gabonmaðurinn mun leiða
framliðu liðsins og vera lykilmáður í
soknarleiknum.

-20%

VERÐ ÁÐUR: 249.995

199.995

PHILIPS
65" UHD SNJALLSJÓNVARP
65PUS8303

-20%

VERÐ ÁÐUR: 129.995

103.995

SAMSUNG
49" UHD SNJALLSJÓNVARP
UE49MU6475XXC

ÚTSALA!

SJÁÐU ALLT ÚRVALIÐ
Á ELKO.IS

SHIMANO

TRI VERSLUN er umboðsaðili CUBE á Íslandi

RFR.

TRI



ÚTSALA!

-Allt að 70% afsláttur -



LG
LOUISGARNEAU®

Park Tool

Tacx

STAGES

#becube #triverslun

Rolf PRIMA

Suðurlandsbraut 32, 108 Reykjavík

SPORTVER Akureyri

Vaskur Egilsstaðir

Verslunin er opin:
Alla virka daga kl. 10:00 til 18:00
Laugardaga kl. 10:00 til 16:00

Engar afsakanir, herra Klopp

Liverpool styrkti leikmannahópinn hvað mest í sumar og mætir með sterkt lið sem er tilbúið að gera atlgöngu að titlum. Stuðningsmenn félagsins hafa beðið í 28 ár eftir þeim stærsta á Englandi.

Ingvi Þór Sæmundsson
ingvithor@frettabladid.is



Síðustu áratugir hafa verið erfiðir stuðningsmönnum Liverpool en aðeins einn titill hefur unnist undanfarin tólf ár. Eru stuðningsmenn félagsins þyrstir í að sjá félagið fara að vinna titla og þar er einn efstur á lista. Enska meistaratitillinn. Titill sem Liverpool hefur verið að eltast við í 28 ár og komist nálægt því að landa en þegar á hólminn er komið hefur tækifærið runnið úr greipum þeirra.

Jürgen Klopp, knattspyrnustjóri Liverpool, hefur fengið nokkuð greiðan aðgang að fjárhirslum félagsins á þessu ári og er kominn tími á að hann fari að skila titlum til Bitlaborgarinnar.

Klopp er að hefja sitt þriðja heila tímabili hjá félaginu og nálgast þrjú ár sem knattspyrnustjóri Liverpool eftir að hafa tekið við af Brendan Rodgers haustið 2015. Með Klopp komu miklar væntingar enda hafði honum áður tekist að styra Dortmund til sigurs í þýsku deildinni tvö ár í röð og í úrslit Meistaradeildar Evrópu þrátt fyrir að hafa aðeins brotabrot af fjármagninu sem lið á borð við Bayern München hafði.

Sömu vandræði héldu áfram

Tókst honum að kaupa leikmenn og gera þá að stjórnaraðama tíma og liðið hans spilaði stórskemmtilegan fótbolta á leið sinni í átt að tveimur meistaratitlum og einum bikarameistarati.

Þrátt fyrir að honum hafi tekist að láta Liverpool spila skemmtilegan fótbolta voru sömu vandamál að hrjá liðið og hafa gert allt frá því að Rafa Benítez yfirgaf félagið árið 2010. Allan stöðugleika skorti í varnarleikinn og þar fyrir aftan voru markmenn sem voru alltaf líklegir til að gera afdrifari mistök líkt og sást bersýnilega í úrslitum Meistaradeildar Evrópu í vor.



Það er gríðarlega mikilvægt fyrir Liverpool að Naby Keita og Mohamed Salah nái vel saman í vetur. Miklar væntingar eru gerðar til Salah eftir að hann bætti markametinu í ensku úrvalsdeildinni í vor en varnarmenn munu hafa góðar gætur á honum. NORDICPHOTOS/GETTY



Klopp hefur ekki tekist að vinna bikar fyrstu þrjú árin hjá Liverpool.

Setti Liverpool ný viðmið þegar kom að kaupum á varnarmanni í janúar síðastliðnum þegar félagið greiddi stórfé, 75 milljónir punda, fyrir Virgil Van Dijk, hollenska miðvörðinn frá Southampton. Klopp einblíndi á að fá Van Dijk og engan annan og fékk það í gegn en hann kom með meiri ró í varnarleik liðsins.

Stefnan sett á titilinn

Í sumar fékk hann aftur að styrkja leikmannahópinn og sækja leikmenn sem hann var með efsta á óskalista. Ekki þurfti að sætta sig við plan-B þetta árið. Aftur fékk hann að kaupa dýrasta mann heimsins í sinni stöðu, brasilíska markvörðinn Alisson Becker þótt Chelsea hafi bætt það met skömmu síðar. Þar að auki komu varnarsinnaði

miðjumaðurinn Fabinho og Naby Keita inn fyrir tæpar hundruð milljónir punda samanlagt. Bætti hann að lokum aukavopni við sóknarleikinn. Xherdan Shaqiri, á góðu verði frá Stoke. Spurningin er hvort honum tækist að fá meiri stöðugleika út úr svissneska kantmanninum sem hefur átt kaflaskiptan feril.

Í heildina hefur Klopp eytt rúmum 250 milljónum punda til að styrkja leikmannahópinn á þessu ári og fengið fjóra heimsklassa leikmenn í sínar raðir. Salan á Philippe Coutinho til Barcelona fyrir 140 milljónir lagar ársreikninginn en það er ekkert launungarmál að buið er að styrkja hópinn til að gera atlgöngu að meistaratitlinum.

Liverpool með þennan hóp ætti að teljast tilbúið í baráttuna um titilinn við ríkjandi meistara

» Aðeins Manchester City (106) skoraði fleiri mörk en Liverpool í fyrra.

Manchester City og hvaða félag sem er sem blandar sér í baráttuna í ár. Í ár ætti Liverpool ekki að hafa neinar afsakanir, það er kominn tími til að setja nýja bikara upp í hillurnar á Anfield sem hafa safnað ryki í of langan tíma að mati stuðningsmannanna.

Er hárið farið að þynnast?



Fæst í apótekum heilsubúðum og heilsuhillum verslana

Hair Gro™
Biotin og zink bidrager til normal hárvækst

Kosttilskud • 60 kapslar

FREMHETTILÉTT Í SVERIGE

Áble ekstrakt, tocotrienole, hirse, padderoкке, aminosyre, biotin og zink
Naturligt indhold af procyanidin B2

Natural Herbal Ingredients

FRÁBÆR NÝJUNG

ENGINN HÁFUR
EKKERT VESEN



TÆKNIBYLTING

INNBYGGÐUR GUFUGLEYPIR Í HELLUBORÐI.
MEIRA PLÁSS, ENGIN FITA, BETRA LOFT.



SPANHELLUBORÐ MEÐ INNBYGGÐUM GUFUGLEYPI

ÞÝSK VERÐLAUNAHÖNNUN

LOSNAÐU VIÐ HÁFINN


Þýska hönnunarfyrirtækið BORA hefur unnið til margra verðlauna fyrir BORA spanhelluborðin sem eru með innbyggðum gufugleypi. Sparaðu pláss njóttu hreins lofts þegar þú eldar og losnaðu við fitu sem sest um allt eldhúsið sem fylgir eldamennskunni.

Sjá myndbönd á friform.is



 **Friform**

Askalind 3 • 201 Kópavogur • Sími: 562 1500 • friform.is



BORA

5 ára ábyrgð á öllum raftækjum

OPIÐ:

Mán. til föstudaga kl. 09 til 18
Lokað á laugardögum í sumar.

Punktur og peningar

DREYMIR ÞIG UM FÓTBOLTAFERÐ?

PUNKTAR

PENINGAR



London og Manchester eru kannski nær en þig grunar

Láttu Vildarpunktana þína ganga upp í flugmiða á draumaleikinn í ensku úrvalsdeildinni. Kannaðu stöðuna, verðið gæti hitt beint í mark.



Þú getur bæði notað og safnað Vildarpunktum um borð

ICELANDAIR

